



REGLA DI SEGURIDAT

Sòru pa tin un plan di akshon na kas pa den kaso di un menasa;

Kontrolá ekipo di emergensia i ekipo ku ta usa bateria manera radio, flèshlait i telefon selular. Sòru pa tin bateria den kas;

Sòru pa tin kuminda ku no ta dañá i sufisiente awa pa bebe pa tres (3) dia;

Kumpra plywood i otro material pa protehá bo kas;

Kòrta palu i mata rònt di kas i limpia bo kurá ya ku esakinan por kousa dañó na bo kas;

Revisá bo pólisa di seguro;

Sea konsiente di e lokalidat di bo kas i si esaki ta den un área ku sa inundá dor di áwaseru fuerte òf laman haltu;

Sòru pa bo tin un pakete di emergensia ku lo ta nesesario den bo kas;

Durante e evento sigui skucha radio i televishon, pa asina sigui e boletinnan emití dor di MDC;


No sali bai riba kaya òf subi laman, si a deskonsehá esaki;


Si bo topa ku un área ku ta inundá, bira bèk, no pasa dor di esaki ya ku bo por hoga.



“Kontribuí na protekshon di bida i propiedat kontra di peligernan di naturalesa”

Kontakto

 Kaya Afido z/n,
Edifisio Drs. Siegfried Francisco,
Seru Mahuma.

 +5999-839-3366


 +5999-869-2699

 info@meteo.cw

 Meteo Curacao

 www.meteo.cw

 Curacao Weather app

 +5999-560-1089



Ministerio di
Tráfiko, Transporte i Planifikashon Urbano
Servisio Meteorológiko Kòrsou

Siklon Tropikal



SIKLON TROPIKAL

Un siklon tropikal ta un sistema organisá ku ta wòrdu formá dor di nubianan di welek ku bos ku ta drei rònt di un sentro. E tin un sirkulashon será na nivel abou i ta forma riba laman òf osea tropikal òf subtropikal. Riba hemisferio nort di Tera, e sistema aki ta drei kontra di weizer di oloshi na nivelnan mas abou i den direkshon di weizer di oloshi na nivelnan mas haltu di atmósfera.

Osea Atlántiko i Laman Karibe su temporada ta kuminsá 1 di yüni i ta terminá 30 di novèmber. Siklonnan tropikal ta ser yamá na diferente manera, dependé na unda nan a forma. Un siklon tropikal ku forma riba Osea Atlántiko ta wòrdu yamá un orkan, miéntas ku unu ku forma riba Osea Pasífiko Oksidental ta wòrdu yamá un Taifun.

Por klasifiká siklon tropikal den tres kategoria, a base di su biantunan máksimo sostené. Esakinan ta:

Depreshon tropikal - ku biantunan máksimo sostené di ménos ku 62 km pa ora;

Tormenta Tropikal - ku biantunan máksimo sostené entre di 63 i 118 km pa ora:


Orkan - ku biantunan máksimo sostené di mas ku 119 km pa ora.

Kon un Siklon Tropikal ta forma?

Tin diferente kondishon ku mester ta presente pa un siklon tropikal por forma. Esakinan ta:

- Laman kalor (por lo ménos 27°C) te sierto profundidat;
- Atmósfera instabil;
- Biantunan relativamente suak na nivelnan mas haltu di atmósfera i
- Un disturbio na nivel abou ku ya kaba ta eksistí, manera por ehèmpel un ola tropikal.

KOMPONENTE DI UN SIKLON TROPIKAL



BOLETIN DI SIKLON TROPIKAL (TCB)



TCB di informashon --- *Sea Alerta!*--- Posibel menasa di siklon tropikal den próksimo 120 ora.



TCB di Vigilansia --- *Prepará bo mes!*--- Kondishon di biantu di siklon tropikal posibel denter di próksimo 48 ora.



TCB di Advertensia -- *Protehá bo mes!*-- Kondishon di biantu di siklon tropikal denter di próksimo 36 ora.



TCB di "Strike" --- *Bai skonde!* --- Kondishon di biantu di siklon tropikal den próksimo 6 ora

PELIGER

Storm Surge i Resake — "Storm surge" ta laman ku ta ser pushá riba kosta dor di e biantunan ku ta rondoná un orkan. Hopi bia resake tambe por sòru pa laman brutu, ora e yega serka di kosta.

Biantu, Ráfaga i Skual — Orkannan ta konosí pa nan biantunan sostené duru ku ta kousa hopi destrukshon. Nan por generá tambe ráfaganan di biantu di durashon kòrtiku i tambe momentunan mas largu di omento di biantu ku yama skual i ku ta asosiá ku rabu (spiral band) di un orkan.

Áwaseru Fuerte — Un siklon tropikal por sòru tambe pa áwaseru torensial, ku por kousa inundashon. Un tormenta tropikal ku ta move poko poko por kousa mas daño debí na inundashon ku un sistema ku ta move mas lihé.